



O Concello de Burela implantou un Sistema de Xestión Ambiental de acordo coa Norma UNE-EN- ISO 14001:2015 "Sistemas de Xestión Ambiental" e o Regulamento EMAS de aplicación nas praias do Concello de maior afluencia: A Marosa, O Portelo e Ril, co compromiso co desenvolvemento dun turismo sostible, mellorando o comportamento ambiental cun compromiso de prevención da contaminación e do deterioro dos areais.

Coa implantación deste Sistema de Xestión de Medio Ambiente, o Concello de Burela quere ofrecer ós seus visitantes un ecosistema protexido e cun elevado valor natural, así como uns servizos de calidade acordes ós requisitos das correspondentes normas.

O Concello ten un claro compromiso de mellora continua e de prevención da contaminación nas praias. Este Concello comprométese a establecer os medios técnicos e económicos necesarios para frear a contaminación e previr na orixe, así como, previr e eliminar na medida do posible, calquera impacto que poida causarse sobre o medio como consecuencia das súas actividades, eliminar calquera risco hixiénico-sanitario que poida surxir polo uso e disfrute da praia. Garante, á súa vez, un seguimento de todas aquelas actividades que se realicen no litoral establecendo mecanismos de mellora continua, en colaboración con todos os sectores do municipio, asegurando a evolución tanto na calidade ambiental do medio coma nos servizos prestados.

No desenvolvemento de todas aquelas actividades que se realicen nas praias incluídas dentro do alcance do Sistema, o Concello comprométese a establecer iniciativas que aseguren o cumprimento das leis e regulamentos, ó mesmo tempo que as esixencias dos usuarios, outros requisitos aplicables ás actividades que se desenvolven na praia ou calquera outro requisito que a nosa organización suscriba relacionado cos aspectos ambientais que poidan interactuar co medio ambiente. Por outra banda, tamén se terá en conta a influencia doutras administracións, organismos e entidades con competencias na xestión integral das praias.

Ademais, pretende promover a participación de todo o persoal e usuarios na protección e mellora do litoral, mediante mecanismos de formación e sensibilización, incidindo na comunicación a todos os niveis.

O Concello de Burela ten un forte compromiso coa xestión racional dos recursos naturais, materias primas e enerxía. procurando a minimización de residuos, vertidos e emisións. Así mesmo tamén existe por parte deste Concello un forte compromiso pola conservación do conxunto do ecosistema natural e flora e fauna asociados. Adoptar as medidas necesarias para previr e minimizar o impacto ambiental asociada ás actividades desempeñadas é outro fin do Concello.

Esta política serve de marco de referencia para definir e avaliar periodicamente obxectivos ambientais nas nosas praias co obxecto de impulsar a mellora continua nestas.

Esta Política é comunicada todas as persoas da organización ou que traballan no noso nome, incluíndo a todos os contratistas que traballan nas nosas praias. Así mesmo esta Política estará a disposición do público.

O litoral é un ben común, é por iso que dende o Concello queremos facer partícipes a todos os usuarios das praias, así como a todos aqueles que realizan as súas actividades nelas, comunicando esta política a todos os que traballan no noso nome e usuarios das praias de Burela e promovendo a súa colaboración e participación na protección e mellora do mesmo, mediante mecanismos de formación e sensibilización, incidindo na comunicación a todos os niveis e buscando a satisfacción de todos aqueles que dun modo ou outro gozan das praias de Burela.

Burela, a 01 de Xullo de 2017

Asdo. Alfredo Llano García. Alcalde do Excmo. Concello de Burela